

Jekabaara



Cikela ceman n'a musoman kunnafoniseben
a bɔ bɔ kalo o kalo
Jamana baarada la BP : 2043 Bamako (Mali)

Mali koɔrisenenew, an kana dan ko kelen ma

ne 3-4 nan



Denbaw ka kan k'u janto denmusow
la ni ladiliyan jɔnɔn dili ye u ma ne 7

Dantigelian

Hakimajigin

Setanburukalo in ye anw malidenw kunnawolokalo ye Mali kɔnɔ yan ani dijɛ fan bee fe, ka masɔrɔ san 1960 setanburukalo tile 22 de, Mali y'a ka yeremahəronya ta, ka bɔ faransi jamana ka mara kɔnɔ, ka k'a danma jamana lakoðønnen ye dijɛ fan bee bolo. O don kelen de, alamisaden dɔ, Mali y'a ka gɔferenama sigi sen tan min

neməgoya tun bɛ peresidan Modibo Keyita bolo ; k'a ka depitebulon sigi sen kan, n'o peresidan tun ye Mahamani Alasani Hayidara ye, ani ka nekuntilenna di a ka mara baabolo ma, n'o ye « sosiyalismu » ye. San 1960 ka se san 2007 ma, o ye san 47 ye. Hali ni tɔba be, barisa jamana ka dijenatige kɔnɔ ka dun kalo hake ni sanhake jate gansan ma, an k'a dɔn kɔni ko san 47 kuntilenna kɔnɔ fana, waati jan sinsindaw be latige dere !

An k'an janto
lojuratɔw la ne 2

San 2007 depite sugandj ne 5
**Kalafiliw
lahalaw**



Ala ka maliko in diya ani k'a ka netaa sabati ka t'a fe.

Ka bi san 1991 marisikalo, ka da Malidenw ka wulikajɔ kan, min kera sababu ye ka « maakelenfangako » silatunu Mali kɔnɔ yan, jemufanga sabatilen b'an bara yan. Maa si te sure ye Mali kɔnɔ belen. Nka, a ka kan fana jamana nemaaw ka wulikajɔ banban, wala-sa ka jamana kɔnɔ sigi diya ni mɔg-ɔmakɔnejenw sɔŋgɔ hake bennet ye jamandenw ka sɔrɔ hake ma !

Tumani Yalam Sidibe

An k'an janto løjuratow la



Hamidu Konate

Djne kono bi, desenyerekoro ye løjuratow de ye. Awa, k'a mine faransi arajosoba "RFI" la, løjuratow mogo miliyon 650 de be djne kono, minnu sirilen don sigida kono mogow la sira do fe walima sira were fe. N'an ko løjuratow, an kan be mogow de ma bana tagabolo ye fijne do bila minnu ka dijenatige la cogoya do la : faato ; sentan walima senkelen;

Sangalaci

Jamana baarada nemadaya so n'a baarakelaw bee lajelen nisengoyalen be terisiraw ni balimasiraw ani furusiraw bee ladenniya, k'u denke Seku Kulibali min tun ye u baarakenogon Yusufu F. Fane koramusoden ye, a faatura taratodon, utikalo tile 21, san 2007, k'a si to sanji 38 na, Gabiriyyeli Ture tegola degoteroso la, Bamako, janja bee lajelen kera o don kelen a wolofa Solomani Kulubali ka du kono Bankoni Zegenekorobugu.

Ala k'a dayero su maya.

walima bolotan ; walima bolo deselen ; kolo wurugu dalabenbali ; jne fijne ... fo ka se tulogerew ni bobow, ani maaw hakili wuyalenw ma...

Nin mogeo masinaw be balo mo gafemogoya la an ka jamana kono yan cogo min, u be djne jamana kelen kelen bee kono o cogo kelen na. O de koson Mali döñkilidalaba do, ko Umaru Koyita, o b'a fo a ka döñkili sarama do kono ko : "Djne fan bee n'a ka lagalagatow don". Anw hakili la, jamana nemogow ka kan ka faantanya keleli bo politiki jemukan gansanko la bi, k'a ke wale tijema ye Mali fan bee. Awa, a baa-ra jujon man gelen. A ka kan goferenama ka sariya ta min be desenyerekorow ladon yorew caya an ka jamana kono (Hesipisiw). O kofe ka nafolo boloda Mali nafolo sorodaw kadara kono, i n'a fo sanu soro hake, min be bila san o san degoteroso misenw na kunbabaw kono desenyerekoro lakodonnenw furakeli musaka tali kanma. Ka desebagato ye ka wari misen hakenin fili a tege kono, ka soro ka san to ke a manumako gansan mineni na, o te ko dilan. An ka ke an koro desebagatow fe, k'u ladon, o de ye kanu ye min bu nafa !

Hamidu Konate
Jamana baarada nemaa

Tuma kura tile

Djne be sensabakan-boli
Waati de la bi
Ce k'i sen fila to i kora,
K'i bolo moenobe
Kerefemogeo fangantan
Do ta kelen nofe,
K'o ke k'i bolo dafa.
O te kamanaganko ye dere,
Sabu la
Ko bee b'a waati fe.
Hinew ni tinw ;
Somogoya ni sinjiya ;
Kulusijala kelen ni badenya,
Olu bee sinsinfen
De tun b'a n josen fila
Kolo girinya ;
K'u se an yere koro
Ani ka mogo-were-deme fanga
don an na.
Nka,
Djne kera yareko ye bi.
Ne te, awa mogo were fana te.
O te nekalasoboli.
Diili donkan ye wa !
Yerenegenkene ;
Yerelagosikene ;
Yerelapanikene
Mogow tin ye neqon bila
O kanma bi djne here banna !

Tumani Yalam Sidibe

Hakilisenekene

Fen si sabuntan te, ka masoro, fen bee ye ko ye djne in min yere kono, o yere sindi ye sabu ye. O koson, an k'a don ko bolonkoni kelen te bele ta. Dafen bee ye ko ye neqon fe de !

Tumani Yalam Sidibe



Mali kɔɔrisenew : an kana dan ko kelen ma

Jinan samijé be ka taa bolo min kan sisán, o b'a to məgə k'd fo ko ni Ala sənna, an béná wasá ni san duman ye, barisa, hali ni samijé daminená ni jore ye sanjiko la, ka bi zuluyekalo tile 20 kóni jé kura donna sanjiko la ! O b'a to an k'an hakili sigi a kan ka kɔɔriforotigw ; nəforotigw ; tigaforotigw ni senefen təw cikelaw béná wasá sərə senefenw tigeyorə la forow kóno. Hali n'o ma san təw hake bə.

Fen min ye an ka kɔɔri kunkan kumaw ye, halibi olu fana semeñen don kenyereye ka bolo-kan-bila de la. Nka, an cikelaw kelen kelen ka kan ka min dən k'an ka dijenatige banban o kan, o de ye ko "məgə bəe ka dijenatige taabolo b'i jogo de kan". Baara si nafantan tə, kuma tə sene ma. Awa, senefen bee sərəbaga timinandiw de fana b'u diyabo u tənə ladontaw la u kan.

O kanma, an b'a men ka caya ko ja nana ni kɔngɔ ye ; kɔɔri bère ma sərə ; senefenw ma jé ka labeli ke, nk'an t'a men ka caya ko : kɔɔri sərəla fo k'an kamanagan a donyoroko la, walima suman sərəla fo k'an jore a lamara jiginéko la ! Cikelaw ka kan ka min jini k'o k'u feko bérébere ye, o de ye u ka dijenatige sabatisiraw bəli ye n'u ka seneñenw nafa sərətaw ye. O də bə se ka ke u jeli ye ka jetaa baaradaw dayelen, i n'a fə situtu senu-man boyorə, walima nsabanji ; mangoroji ; lenburuboyorə n'u nəgənna werew ye. Dijé kóno, ko kelen kəbaga de ni jore ka surun. O kosən, hali seneñenw sicayali u damaforow kóno, o bəe ye kəbaga nafabaara ye : Ni fafolosenenfenw don, olu b'i ka wariko hakilisigi banban. N'a y'a sərə suman seneñenw de dun don dun, olu b'i ka dunkafa sabati. Nka ni wari dama de sərəla, a ka c'a la, o bəe bə taa dunkafako dafe. Ni dunkafa sumanw danma de dun sərəla, o béná ke daladeseñenw ye nafoloko kunkorə. An ka ke baara caman kəbagaw ye, ani seneñenw caman cikebagaw, o b'a



Kɔɔriforo; nəforo; nakoforo, minnu bee cikeko juman ye nafaba ye u cikelaw bolo !

to an be kisi don də majumako ma.

Fen min ye kɔɔri kunkanko kerenkerennen ye, i n'a fə n'y a fə sanfe cogo min na, o bə se ka gelya waatiw de lakodən, nka a tə se ka silatunu abada an bara yan. Ale ye baara ye min donna a senebagaw jogo la, dijenatige taasira bəe kan. I komi i ka jininkaliw sera "kotən biyoloziki" (kɔɔrisene tubabunəgəntan) lahala fana ma, ne m'o ke fələ, nka, n b'a ko kalama, barisa n b'a kəbaga caman lakodən. Ne ka kələsili la, fen don min matarafako juman b'a tigilaməgə nafa, barisa nafolo musakada caman ko t'a la !

Nka, məgə fari fagalen ka fen te barisa hali ni tubabunəgə sanni ko t'a la, a ko te taa galabu kóni kə, walasa ka sunungunnəgə lase foro kóno a jemə k'o labə !

Ne bolo, an be waati min na i ko sisán, Mali kɔɔriseneko te tubabunəgəko ni tubabunnəgəntanko ye. Nka, an b'a sene suguya bolo o bolo matarafa, an k'o nafafenw sərə nəgəya la. An k'a dən yere fana, k'a kera dakun o dakun lahala kóno, kɔɔrisene yiriwafənba də ye cikeminew ye. Mali dun kóno bi, cikeminen fanba ye banganw (misiw ; faliw...) ka samantaw de ye. O b'e cikela baganmarala de kofə. O b'a jira ko kɔɔrisenena jana ye bagan barikamatigi de fana ye. O b'e baganw ka kəneyako n'u ka balo

nafamako kofə. Hali ni bagan kənemanw ni cikeminen jenamaw be bolo kɔɔri, kɔɔrisenena ka jetaa fan də da be taa nərə kɔɔri juman fana na. Ninnu n'u nəgənna caman. N b'a fe ka min jira kóni, o de ye ko kɔɔrisenena ka nafasərə ntuloma kunw be teme magan baa-ra caman de fana fe. Kun jumen be cikeforo dalabenbali tari bihake la, n'a y'a sərə tari duuru danma ladonko juman b'e tari caman labenbali tənə nəgən caman ladon a cikebagaw kun ?

Dijé baara bəe nafa sərəbaga y'a kefeere dənbaga tigitigi de ye. Məgə mana kón ka baara o baara kecogo bérébere dən, an'a taabolo bérébere, ka sərə k'i k'ak, i be nafa sərə o de la, barisa i tena a kufeko ke. Jləsene ; kɔɔrisene ; kabasene ; tigasene, fo ka se seneñenw təw bəe ma, nin si seneñenw nafa dulonnen te gəferenamako la, barisa seneñenw keko juman yere de lahala be sanbagaw kun d'a yere kan. Tijé don, kɔɔrisene nafa dulonnen don dijé kɔɔrisugubagaw lahala taabolo la. Nka, olu yere sako te kɔɔri sanni n'a sanbaliya la dəre, barisa tubabula finidilan-iziniw n'a gaaridilan-iziniw wajibiyalen don ka labaara. Dijé kɔɔrisuguw kóni be se k'u dungə wajibiyā kɔɔri kalite juman ni kɔɔri kalite juguw ni

A tə bə pə 4 nan kan

je 3 nan tə

nəgən cə dere ! Awa kəri kalite jumanko bə dijə kəorisənenə kelen kelen bəe ka faamuya kofə a ka foro kənə.

Ladilikan : “N’i ya men n jənnin kunnandi, i ko de ko n sababu juman”. Adamaden ka sababu juman dun te teme farikolo kəneya kan. O de bə mənebəbaara ke. Farikolo kəneya dun bə dunkafa de kofə. “Ko malo te kəngötə la, ka masərə a te se ka foyi mənebəbaara ke !” O kamma, ne b’ja nini cikelaw bəe fe kəorisəni daasene, ani baganninjirituru ka ke suman sənə bolomadafa-sənəfənw de ye. N’o kera, an bə se an yere kərə, ka nafolomugu sərə an bolokərə, ka sərə an kənəbara falen don.

Tumani Yalam Sidibe
Mərə Sidibe
ka bə Yanfolila

Kosafe kunnafoni

Nin ye kunnafoni ye an ye min saman ka bə “Les Echos” kunnafonisəben bəko 2941 kənə, kunnafonidila Mohamədi Dawo ka lase kənə, min te məgə nisəndiya cogo si la. O kunnafoniw fəkan bərəberew file nin ye : “ka da samiñe donbaliya kan joona an ka jamana kənə yan, nagali kun o an ka kəorisənenaw kan jinan kəri san-nifeereko la, ka tali ke kəri sərəko kan. CMDT ka maa faamuyalenw tun ye 2007-2008 baarasan kəri

sərəta hake bisigi ta təni 470 000 de kan. Nka, ka da samiñe donbaliya kan joona, o sərəhake bərəberew be jigin təni 300 000 de la !” Nin ye an balimakə Mohamədi Dawo ka lase ye “Les Echos” kunnafonisəben kənə ka jəsin jinan kəriko geleya ma. Mohamədi Dawo ka nefoli la hali bi, jinan kəri sərəhake jiginni kan, a jirala ko nin y’ə sijə fələye ka bi san 1974 ka se jinan ma, nin nəgən ka ke, barisa samiñe donna a donwaati lakika kə ni kalo kelen de ye. A ko ko sanjihake damadənin minnu binna mekealo labaaraatiw la, ka don zuwenkalo kənə, k’o hakew tun t’ə to kəri dannibaaraw ka jubə. Mohamədi Dawo ka fə la, ka mineni ke Abudulayi Trawele la, n’o ye CMDT ka sənə sərə baarabolo jəmaaba ye,

zuwenkalo tile 30 sərəhake bolodallenw waleyara nin cogo de la : Kəri : hake sərəta bolodalen 36 % danma

Kaba : hake sərəta bolodalen 24 % danma

Sənə : hake sərəta bolodalen 27 % danma

Keninge : hake sərəta bolodalen 21 % danma.

Abudulayi Trawele dun ka fə la, san təw la, nin bolodahake waleyallen zuwenkalo tile 30, o bə se kənəhake 70 % fo 90 % ma nin sənəfən bəe hake la. Jatemeine bə ta zuwenkalo lahala kan CMDT mara kənə. O ye Abudulayi Trawele kan ye.

Mohamədi Dawo ka lase

Bayelemabaga :
Tumani Yalam Sidibe

Sangalaci

Jekabaara səbennekulu n’da sebennikelaw bəe, ka fara jamana baarada cakelaw bəe kan, u bə sinfonisraw ni jənəgənw bəe ladənniya k’u cake nəgən Djéni Jalo fəke Walanten Jalo factura san 2007 utikalo tile 1, a ka du kənə, lləmiyiranbugu kin na, Bamako. A janajaw bəe kera Bamako tubabumori misiriba la san 2007 utikalo tile 3, ka sərə ka tə fure da parela kaburudo la o don kelen wulatileyen fe. An fəke walanten factura k’ə si to san 80 na.

An bə dugawu ke Ala k’ə dayərə neema, k’ə don matigü Yesu Krista ka jama senu kulu kənə fo badda – badda.

**Mali depitebulon kənə jama sugandi-kalafili jaabiw kun fələ dilen marakow minisiriso, ka fe kən “kuru kənsisəneli” ka jaabi sementiya dili je**

San 2007 zuluyekalo tile 22 depiste sugandi kalafiliw kuncelen kə, kalafili wəre bolodalen te ka jəsin Malidenw ma jinan san tə kənə belen. Nka, san 2008 kənə, u bəna u kunda kokura kalafilidagaw kan walasa ka sigidaw labaara jekuluw maaw sugandi kominiw kənə. O maa sugandilenw kominiw kənə jama fe, olu de bə sərə ka kominiw məriw n’u ka dankanw sugandi u

yere cərə. Ala kən fara san 2008 yebagaw kan here ni ladamu ani fasokunciya kənə.

Kuuru kənsisəneli ka jaabiw

Jumadən, san 2007 utikalo tile 10, kə damine waati 22 nan na, ka se sibiridon waati 4 nan ma, « kuru kənsisəneli maa 9 bərə kene kan ka kalafili jaabi bərəberew di fasojama ma. U ka kiiri taabolo tun be jaabi-bankan-dajiraseben hake 250 de

kan fo ka se hake 300 ma, i n’ə fə a nəmaa metere Kanute y’ə fə cogo min na. Sigida lakana minisiriso ka jaabi dilenw hake dəw bayelemana o kadara kənə, nka məgə bə se ka banban min sinsin, o de ye k’ə kera sababu ye “US-RDA” politikitən ka wuli k’i jə ni koloni depite kelen ye. Mali depitebulon kənəjama sigicogo bə nin cogo lakika de la san san

A tə bə je 5 nan kan

J  e 4 nan t  

5 nata k  n  . A ye Idirisa Sak   ka l  se kalan o kuntilenna kan nef  new k  n   (ne...)

B  nfurulakoba ka j  esin depitew ma

Kunj  g  n kelen ka k  n kalafili jaabi b  r  ber  w dili ne a fe, "Kuru-k  nsis  neli" k  nna ka lafilili ke depitew ka y  renafadon sariya talen d   la, o min tun b   wajibiy Mali jamana kan a ka sefawari miliy  n tan ni d  m  wari hake caman were labila depite kura kelen kelen bee ye u ka bolodonbaarala lab  nw kada-ra k  n  . Awa, n  o tun b  nna sen ma, o tun be ke sababu ye ka sefawari miliyari fila ani miliy  n k  me duuru ni bi seegin de b   faso Mali kun f  laki. Nka, "Kuru-k  nsis  neli" y   a danken  maya k  o "wari-hake-di-n y  rem  " depitew fe, k  o ni faso Mali sigikanseben hakilima si te taa neq  n fe ! Nk  n k  a d  n d   sanni depitew ka wari hake j  nis  ben in ka se "Kuru-k  nsis  neli" la, depitebulon y  re k  n f  l   depiteba d  w tun ma s  n k  u ka s  nkan di a kan, i n  a f   Ali Nuhun Jalo, Ibirimu Bubakari Keyita...

Nin sariya in bilalen bankanbolo kan "Kuru-k  nsis  neli" fe, o benn  n sen ma, barisa a tun be ka fasojama fanba kamanagan ka ban, k  u bila y  re j  ninka la, k  a d  n "ni depitew be fasojama de ka h  re makaranni

Politikit��n	Depite hake	K��losiliw
Adema	55	Politikit��n 12
URD	37	Depitew ni y��reyec��b�� 12 de b��na je ka bulonba la naga
RPM	12	Muso hake ye maa 13 ye Mali ka san duuru nata depitew la.
MPR	8	(Nin ye jaabiw kun f��l�� ye, ka k��n « Kuru-k��nsis��neli » ka jaabi dili ne)
Cnid	7	
Y��reyec��b��	12	
Sadi	4	
Parena	4	
PSP	2	
Miriya	2	
UDD	1	
PCR	1	
RND		
Depite kuuru	147	

kanma depitebulon k  n walima n  u sigikun ye "y  redondalasira" b  li kuntilenna ye.

Kunceli : kabi san 2007 utikalo tile 10, depite sugandilenw bolo be depiteya baara la sa fo ka se san 2012 depite-sugandi kalafili jaabiw didon ma "Kuru-k  nsis  neli" fe.

An k  a d  n ko "Kuru-k  nsis  neli" ye m  go faamuyalen 9 de ye minnu sugandira nin cogo la :

- jamanakuntigi fe..... m  go 3
- depitebulon j  m  go fe ... m  go 3
- kiiritigelaw ka makarant  n fe..... m  go 3

Awa, n  olu ye kalafili kunkankow f  sef  se k  a bila y  r   min, o ye wuli-

bali ye, barisa fanga si were te yen min be se k  a b   o ma !

An k  a d  n fana ko hake te depite ka "manda" san duuru hake la, damantan a ka sigida k  nem  g  w ka danaya b   kan k  a sugandi kokura, walima k  u ban a la, hali n  o fana b   dan "manda" kelenpe de ma !

Lakana birifini fana yangalen be depite kan sariya fe, min b   to dankari te se ka k  a ka adamadenya la ne si ma ka s  r   depitew y  re ma s  n ka tanga birifini in b   a kan !

**Tumani Yalam Sidibe
ni Alekisi Kalanbiri**

San 2007 depite-sugandi-kalafili latig  w

D  pite kura 147 ka sugandili desmentiyara sariyasoba fe, ka don san 2007 zuluyekalo tile f  l   kalafiliw kadara k  n  . San 2007 zuluyekalo tile 1 depite sugandili - kalafili tun kun ye depitebulon maa 147 de sugandli ye. Nka, o hake ma se ka s  r   o senfe. O de kos  n, kalafili kun filanan kera zuluyekalo tile 22. O kalafili kun filanan jaabi b  len k  , sariyakis  w k  losi kiiribulon, n   ye "kuru k  nsis  neli" ye, o ye jaabi lakikaw da k  ne kan jumadon, utikalo tile 10. Bi, politikit  n ye niny  r  ba s  r   y  reyec  b   kan Mali depite hake la, bawo, Adema politikit  n kelen, wulira k  i jo ni depitehake 51 ye ; URD

dara ale kan. (Aw ye o lahala kalan katimu k  n  ) An k  a d  n ko muso hake 15 de be Mali depite 147 hake la manda kurak  n O ye wasako ye. K  a ta kalafili don na, fo ka se utikalo tile 10 ma, "kuru k  nsis  neli" tun be jate-minew la s  benw kan. T  n d  w ni y  reyec  b   d  w tun y  a jini a fe, a ka y  r   d  w k  n kalafili gansanya, ka d  a kan, nanbara ni sojeni cayara o y  r  w la.

Lajini 250 de s  ben sera Salifu Kanute (kuru k  nsis  neli peresidan) n  a baarak  neq  nw ma. "Kuru-k  nsis  neli", min sun be Dibida la Bama-ko, j  natige maa 9 y  o lajini f  sef  se ni hakilisigi ye. U y  u kelen kelen bee

la je ji j  maj  len na. U ka f  sef  seli senfe, u y  a ye ko t  ne na, kalafili ma ke a kecogo la y  r   caman na. D  w kera m  g  w fe minnu t   kebagaw ye ; y  r   d  w y  re kalafiliw taabolo ma dafa "Kuru-k  nsis  neli" y  a jira ko y  r   d  w be yen, i n  a f   kuluk  r   ; Gundamu ; ani Tumutu, ko yurugu - yurugu ni nanbara barika bonyara o y  r  w la kosebe. U ka f   la nanbara kera Adema fe o y  r  w la. Kuluk  r   depitew minena ADEMA na k  u ke Cnid ni MPR ta ye ; Adema ni URD ka depite fila binna ka se to y  reyec  b   bolo gundamu.

Tumutu mara k  n  , kerenkerenne-

A t   be ne 6 nan kan

nya la Salamu komini ni Arawani komini kənə, a yirala ko məgə minnu tun ye kalafili ke koloni kalafilibiro kənə, olu yere de ye sərətaw bəmayeləma. O kosən ADEMA binna ka yen cəbə kelen bila US RDA ka bolo kan, jateminə na, an b'a ye ko "kuru kənsisənəli" ka pereperelatigəw dilen kəfə, Adema bənəna depite 4 de la ; ka URD bənə depite 1 na. Fen min ye US-RDA ye ani yəreyecəbəw, olu nəfara depite kelen kelen na. Depite sugandilen məgə 147 ninnu de bəna u kan di sariya tataw kan malidenw bəe təgə la san 5 nata kənə. O la, u bəna tilə jekulu 11 ni nəgən cə. O jekulu kelen kelen bəe bə baara ke Mali jamana ka nafasərəsira də kan. O jekuluw

ye :

1. Bolifenko ni sərəko jekulu
2. Kalan ni seko ni dənko jekulu
3. Kəneya ni nəgəndəmə jekulu
4. Jamana lakanani ni maawladonko jekulu
5. Kuranko, jiko ani dugujukəro na-fafenw jekulu
6. Sərə ni nafələ ni dabaliw tige jekulu
7. Sariyako nənəbə jekulu
8. Desantaralizasən ni jamana kənəkəw nənabə jekulu
9. Mali jamana ni jamana were cəsi-rira nənabə jekulu
10. Sigida ni lamini yiriwa jekulu
11. Baarako, ni musow ni denmisən, ani farikojenajə yiriwali jekulu.

Idrisa Sakə

San 2007 zuluyekalo depite-sugandi-kalafili jaabi sabatilenw "kuru kənsisənəli" fə

Mali jamana kənə marakow minisiriso ka jaabi dilenw kəfə, "kuru kənsisənəli" y'a ka fililatilenw baaraw kə jaabiw kun kan, ani ka nanbara sərə hakəw bə a la. O de kəfə, san 2007 utikalo tile 10 sufə, "Kuru kənsisənəli" ye kalafili jaabi lakikaw da kənə kan jama ye. O de fana y'an ka depitebulon lahala ye fo ka se san 2012 ma.

Polikitənw ka depite hakə bulon kənə

Politikitənw Depite hakə Adema 51
URD 34 MPR 9 Cnid 7 Yəreyecəbəw

15 RPM 11 Sadi 4 Parena 4 UDD 3 Barica 2 Miria 2 PSP 2 PCR 1 Bdia 1 RND 1 Kuuru 147

Nin depite 147 bəe welera jamankuntigi ka weleli-ganse də taabolo fə, u bəe ka nəgən sərə Mali depitebulon kənə san 2007 setanburukalo tile 3. O y'u ka nəgənye fələ lajə ye, min senfə, a bə se ka ke u k'ka peresidan sugandi, ani ka depitebulon labaara barada 11 nəməgəw fana sugandi.

Idrisa Sakə

(Bəko nata kənə, aw bəna o nəgonye kunnafoni sərə).

Politikitənw	Depite hakə
Adema	51
URD	34
MPR	9
Cnid	7
Yəreyecəbəw	15
RPM	11
Sadi	4
Parena	4
UDD	3
Barica	2
Miria	2
PSP	2
PCR	1
Bdia	1
RND	1
Kuuru	147

Ü KO...
Sanni jən ka tige dijə na, tige i yere la ; sanni jən ka da dijə na, da i yere la. Dijə diya n'a goya bə adamaden min bə balo la de kofə, nəntə suw kunko te dijə ye belen !

Sidiki Jabate
Jeli maanabəla ka bə sikorənin Bamako.

— — — — —
Kende ni jənekala kuru, olu bəe ye labaara fən wye, walasa u ka məgəw nafa. Kende te kənə ta a tobilen kə, awa jənekala kuru ka dugumadənke de b'a sanfela fa gaari kura la !

Bugari Fənba
Ka bə kolokani.

— — — — —
N teri duguba kənə taabaga, a dən ko Bamakə bolifən w caya n'a ta bəe, məgə ka kan k'i yere kələsi a sennaanimabolifən w la, ani ka jəre a senfilamabolifən w nəkərə, olu minnu bə bə bolifən təw ni fan bəe cə, ka bala ka bila kənə kan. Awa, ni mobiliti gise b'a yere la waati caman ka bala ka jə, mototigi kəni bə balanakunbenfən bəe lasərə ni desenyelerə de ye. O de kosən, ne ko n bə siran kosebə duguba kənə senfilama bolifən w nə haali.

Moriba Numuke Tanba
Magnanbougou (Bamako)

— — — — —
Məgəya kun ye dagabondala ye !
Sanbunin Jakite
Donsongənifəla ka bə kita

— — — — —
N bə sa bi, te jəre siniko la. Ko bəe here n'a masiba y'a kejənabaga de ta ye.

Hamidu Jara, ko "Daragən"
arajo Kledu Bamako

Denbaw ni denmusow ka kuma njögonya



Demuso dijenatige donsiraw karamogo bérébere y'a ba de ye.

An fë yan Mali kono, a kelen be i Ako jétaba te denbaw n'u denmusow ni njögöñ ce kuma njögonya la, kerékerénya la, ce-ni-musoya taabolo siratege la.

Félo, musokorébaw jöyörö tun ye denmusow ladili de ye ka nesin ce ni musoya yereminesiraw taabolo ma. U tun be npogötiginin ninnu kólési ani k'u ladi yeremine siratege la, fo ka taa se u ka eesolataa tuma ma. Nka, anw bi denmusow ma garisegé soro o siratege la, ka kuma

njögonya sira bo an ni an wolo-baw ce. Olu de dun tun ka kan ka kan terimusó félów ye dijenatige in

kono. Bi, denbaw t'a jini cogo si la ka ladili gundo kuma njögonya sira bo u ni u denmusow ce ce-ni-musoya jantonyerelakow kun kan. Anw ka sigidaw kono yan, ce-ni-musoya taabolo kunkankumaw ye kuma tanamaw de ye denmusow ni denbaw ce. Dijé kodondaw cayali koson bi, arajow ni kunnafonisébenw be se ka ke kumada jénjénw ye denbaw bolo k'u hakilinaw di denmusow ma yeremine taabolow kan.

Denba de ka kan ka njögöñ kuma njögonya sira in boli hakililatige di a denmuso ma ce-ni-musoya taa-

bolo kólésicogo numan kan an ka danbe kono. Bi dun, a ka gelen npogotigi ma a k'a fô a yere woloba ye k'a y'a ka lada ye. Kólésibaliya kono ani njögöñ kuma njögonyabaliya kono, denmuso be se ka bala ka kono makonobali dô ta, a be min dogon a ba la. Denba de dun ka kan ka ke denmuso ka yere nefobaga fôlo ye geleyakow kono. Ka kuma ce-ni-musoya kan den ye, o ye dogonyörö taabolo lakanani ladilikanw de dili ye denmuso ma. O b'a to denmuso jan te bô a yere kô ne si ma, ka ko ke bali ke min b'a bila bolo jugu kan yanni a ka cesolataa waati ce. O de koson, dijé dönnikelaw ka fô la, muso ni musoya lahala bana bëe sindi be yerefari kolo taabolo lako-donw matarafacogo jugu de la. O dun te masorö denbaw n'u denmusow ka njögöñ kuma njögonya ntanya kô !

Maa caman ka fô la, bi denmusow ka cemisen kunsin u ma, u ka dankari k'u ka danbe la. Ne ko o te, donfinoko ye, barisa, félô, donfini were tun t'an kâ npogotigiw la lenpen kô, u farikolo tun be ye ka lasa min kono. Nka, ladilibaga ani bilarisrabaga de tun be félô npogotigiw la. O de koson u tun be se u yere la.

**Mariyamu Jara Baarakalanden
jamana baarada la.**

Feeuw be ka tige sugunébonbana keleli kanma

Benkan ka nesin sugunébonbana-baatow musaka tali ma. Sugunébonbana kumbenni, a keleli an'a keneyali musaka tali na ke jiggia ye an ka jamana muso sugunébonbagatow ye.

San kono, sugunébonbanabaats maa 50 000 walima 100 000 jate be mine dijé kono, pörözé kulu dögötöröso ta y'a la maa 200 ye, an ka marayöröw ta tò la. Muso misennin faantanw, n'a kunfinw, ka fara togodalamusow kan, ani minnu be u kónøfélô la, a katelin ka olu de soro, ka kejé ni sugunébonbana

pangatan ye musow kan, jamana nemaaw ni musojekuluw, kerékerénya la, "Ayinere Wihi-le" (Inner Wheel) tun te se k'u sigi k'a bolo fila da u sen kan ka fen jugu in file ten.

O hukumu kono, "Ayinere Wilile" (Inner Wheel) min ye musow ka jekuluba ye dijé kono, a ni muso ni den, ani denbaya ka kow jenabéli minisiriso y'u bolo de njögöñ ma, ka san 2007 zuwenkalo tile 12 ni 13 kë Bamakë dunanjigins dô la, min tun boli benkan tali kan ka nesin an ka Mali muso sugunébonbana-

baatow musaka tali ma.

Dögötörö Dolo ka fô la, sugunébonbana ye geleyaw ye min sababu be soro muso yere musoya kónøfénw bilacogo la njögöñ na, i n'a fô sugunébara, banakötäayörö. Muso ka kónømaya waati, ni den kunkolo balanna walima a ma sira soro ka bô, o de be na ni bana in ye. Ola, sugunébonbana be muso minnu na, olu de be ke juguntfénw ye k'a sababu ke suguné ni banakötäga suuruli ye u nöfe sanga ni waati bee kâ soro u yere se tâ la. Dögötörö

A tò be ne 8nan kan

Jé 8nan to

Dolo ka fō la, sugunēbonbana bē muso ka adamandenya tijé, k'i danbe bē b'i la, n ka maa si dakan te, kunbōnkola de b'a se maa ma. O siratege la, bē ka kan k'i jōyōrō fa a kēlēli la. O jōyōrōfa bē bēli nin walēw dabilali kan : Musomaninw dēgōmanin furuli, kōnō sōrōli joona ani sokōnjiginni na jōgōnnaw.

Wuperelikela dēgōtōrō Watara ye bana in kēlēli cē farin dō ye pōnze kulu dēgōtōrōso la. Ale ka cakēda sababu la, muso sugunēbonbana-bagatō caman y'a yēre sōrō, fo ka segin u adamadenya sawura kōrōla, musow b'a la, olu ye den yēre sōrō u kēneyalen kō. Nin maa hake in yēre bē seereya bō, i n'a fō sugunēbonbanabagatō 369 na, maa 71 ka sugunēbon kēneyana pewu.

Dēgōrō Watara ka kuma senfē, a

jira ko an kērefē jamanaw bē la, Mali faamuyalen don kōsēbē su-gunēbonbana furakeli la, ka mas-ōrō bana in furakeli feerew n'a minenw bē bē sōrō pōnze, muso su-gunēbonbanabagatō furakeli kama.

Mali kera bana in kēlēli waraba ye fā bē dēmē dan farafin jamana dōw ma, i n'a fō Kameruni, Gine-Ekatoriyali, Moritani) bana jugu in furukeli la, o b'a jira k'a n ka furakeli ka jī.

Jinē ma ke jamana kōnōna yōrō tōw kō, ka d'a kan, wuperelike dēgōtōrō minnu bē o yōrōw la, dēgōtōrō Watara ye olu bē de kalan baara la.

Maaw taara ka segin jōgōn nō kan, adamadenya yiriwali cakēda ka fara UNFPA-Mali da sera u ka cakēda ko wulikajō ma ka jēsin bana in kēlēli ma. Ben kera a kan kō

sugunēbonbana ye bana ye, n k'a bē se ka don adamadenya kōnō. Maa bē lajēlen ka kan k'u fanga fara jōgōn kan ka muso sugunēbonbanabagatō dēmē i n'a fō dēgōtōrō Seli Modibo Jara ta jōgōn, o min ye sefwari dōrōmē miliyōn kelen d'u ma.

Lajé in kuncera ni laadilikanw ye ani sugunēbonbanabagatō kōrō dō ka seereyaba ye. A kā ka foli ni tan-nuni ani barikada bē ka jēsin muso sugunēbonbanabagatō dēmēba-gaw bē ma, kerenkerennya la, dēgōtōrō Watara.

An ye nin kunnafoni « Les Echos » kunnafonisēben kōnō, a ka don nā duguje bōta bōko 2908, araba zuwenkalo tile 13 san 2007.

Ogopemu Wōlōgēmu ka sēbenni-don.

A bayelemabaga bamanankan na : Yusufu F. Fane

Jiriw nafa te fō ka ban

Jiri bō ka bon, n ka bolofa bē basinajirinin ta kan. Basi-najiri iri ye min nafa ka ca ni nalakē dōrōn te. Nalakē temenē jiri in ji ka ca, w'a bē ke fura fana ye.

Dafara ye dugu ye min bē wele-sebugu komini fē, a ni Bamakō cē ye kilomētērē 80 ye. A sigilen bē jiritu la, Dafara ye dugu ye min sow fanba ye bugusow ye ka tufa sigi u konna. Tēlisow ye kelen-kelenninw ye.

Araba, Zuwenkalo temenē tile 27 san 2007 tun ye jēnajēdonba ye Dafara dugu kōnō.

An tun bē depite kalafili jēkōrō-lan na. Dafara dugu, ka fara Mali dugu tōw kan, kānpajni tun bē a tan-ni fila filila. Tuma min politi-gimēgōw ni dugumaaw tun b'u ka jōgōnye la dugu fērēba la, jēnajē bele-bele nafama tun bē senna dugu fāndō fē.

Nin tun y'a sijē fōlō ye, jējēgōnya min bē malidenw ka jēkulu (kilabo) ni kebeki cē, kebekikaw ka dēmējēkulu (kōsaba) ka kalanden maa tan (10) jōgōn ka na Dafara

walasa ka sigida yiriwalisiraw jēnini. Jēkulu in ye jiri dō koladōn nā ka kabakow ye : Nō ye basinajirinin ye. Mangorosunba dō suman na, malidenw ka jēkulu (kilabo) tēgōlamōgō fila, minnu tun ye Nfali Sumare ni madamu Tarawele Pi-rogo Sogoba ye, olu tun bē ka jējirali ke ni basinajirinin ye dugu nakōbaara muso kēmē (100) jōgōn tēgō la.

U bē k'a jira togodalamusow la ko jōyōrō belebele bē basinajirinin na baloko ta fan fē. An ka jamana kōnō, ni ye mēgōw sigi kēmē-kēmē balodēsē bē mēgō 80 (80%) sōrō kēmē sara la an ka togodaw la.

Kērenkerennya la, musow minnu bē bange hake la ani den-misēn. Kōlōsiliw y'a jira ko an ka saya fanba sababu bē o bolodēsē de la an ka duguw kōnō. Denmisēn

1000 cēla, 92 ka faatuli sababu bē balodēsē la. Muso 100.000 cēla, 800 bē faatu u jigintō (ka to muso kēlē la).

Malidenw ka jēkulu (kilabo) min sigira senka san 1989, nā demenēn don kebekikaw ka dēmējēkulu « kō-saba » fē, a ka baarabolodalen (porogaramu) min bē wele ko « furankala kelen te se ka dukēn furan kā je », de bēnā jō ni adamadenya don jōgōnna sira bēli ye san 3 kuntaala kōnō ni Dafarakaw ye. O la sa balodēsē ye tijé ye an ka togodaw la cogo min, a bō cogo kelen la du-gubaw kōnō ten. Fen dōw sanni nēgōyali n'a ta bē, balo nafama t'u labo. O bē se ka sōrō balofen nafamaw dilanni feerew dōnbaliya ye, walima balofen nafamaw sōrōba-liya k'u labo.

Basinajirinko in na k'o fura ye wa ?

Poriko Sogoba y'a misali jira. Basi-najirinin ye Azi jamana jiri ye.

Nfali Sumare ka fō la, a bē an ka jamana kungodaw la a bē san 100

A tō bē jē 9nan kan

ne 8nan tə

caman bə.

Basinajirinin jə kundama b'a ta metere 5 fo ka se 6 ma funteni te fosi k'a la, a b'e se ka balo funteni degere 25 fo ka se 48 (25 à 48°C) O temenen kə, basinajirinin b'e se k'a wasadon ji dəənin na tile kənə, fənjənamaw te fen k'a la. Basinajirin bolow tilalen don saba ye. Ja te fen k'a la, A ka ca yərə jalanw na. Nka, a ka jni sumayərəw fana na. An ka jamana bayanfan gadonmussow b'a dən kosebe, sabu olu b'a furabulu ke na ye.

Nka, jəci were b'a la min t'o dərən ye.

Basinajirinin keli balofenw na, a b'e ke sababu ye k'i ka balofenw kun kərəta. Sanko ka fara witaminiw kan, n'olu ye : poroteyini, feri ani kalisiyəmu, basinajirin falen don witamini A ni C la.

Malidenw ka jekulu "Kilabo" maa də ka fə la, a furabulu min b'e ke mugu ye, o ji nafa ka bon kosebe. Basinajirinin den farama kundama b'e se santimetere 10 walima 15 ma. (A kise b'e b'o min kənə). Witamini

poroteyini garamu 2, 5 b'e sərə a kise la. A furabulu kene garamu 100 na, witamini poroteyini garamu 6,7 b'e sərə o la. A furabulu jalan mugubəlen garamu 8, n'o b'e ben dumunike kutu jə 1 ma, witamini poroteyini garamu 2,2 b'e sərə o la. Basinajirinin bənafenw dunni b'e nafaba lase adamaden farikolo ma.

Basinajirinin den kəgəbali (merennin) b'e se ka dun i n'a fə harikoweri sənən. N'a denw sera, a kise b'e se ka yiran i n'a fə pəmutere b'e yiran cogo min. A furabulu keme n'a feerew b'e se ka dilan i n'a fə salati. Basinajirinin turulen san kelendafa, a b'e dənni damine. N'a ye sanji 3 sərə, a b'e se ka den 400 fo ka se 600 ma ke a sanji 5 ni 6, a b'e se ka den 1600 ke.

Ni məgo min y'a jate mine k'i b'e se ka basinajirinin ju 12.000 turu taari kelen na, o den b'e se ka dugu bəe mago jə, i n'a fə Dafara nəgən. A tə min mana to dugu ka mago jə kə, o b'e se ka ke feerefən ye. Basinajirinin b'e se ka labaara in n'a fə balodafa, a feerew b'e se ka dun in n'a fə salati, a buluw kene b'e se ka dun. O la, filita fosi te basinajirinin

na. Boloko temenen kə, basinajirinin b'e ke banafura ye. A bulu b'e se ka balabala k'a ke ka koloci dəw furake, ani kədimiw ka fara tanzən jolicayata kan. Kabini waati jan, basinajirinin jəda ka bon farikolo kənəya, (a furakeli). O hukumu kənə, malidenw ka jekulu (Kilabo) ye fura sərə balodese bana keleli la an ka togodaw la ni basinajirinko donni ye banbanna jiriko in labaariali donnen banbanna, kene də ka kan ka bila Dafara nakəbaara musow ka bolo kan walasa u ka basinajirinin sənə. Dafara ka jətaa kama, basinajirinin sənəni ye nafamakoba ye dugu ma, u ka baloko ta fan fe, ani k'u dəmə ka fanga d'u ma balodenebanaw n'u nəfə kassaraw keleli la, an ka togodaw la.

An ye nin kunnafoni sərə ka bə "L'Essor" kunnafonisəben kənə, a ka don ni dugujə bəta bəko 160 11 nan araba, utikalo tile 14 san 2007 C.A. Dia ka səbenni don.

**A bayəlemabaga
bamanankan na
Yusufu F. Fane**

Adamadenya kow

Furu b'e ke cogo min, furusa b'e ke o cogo la

Waati dəw temena, furusa tun te ko nəgən ye ; o hukumu kənə, furusa kuma tun b'e fə səkəfe jirisunw kərə. A tun ka gelən hali furusako ka fə barosenw fe. A yərə tun b'e fə ko maa ka n kalon tige ka furu dilan ko jurumu t'o la. Nka, waati bəe n'a la ko don. An b'e don min i n'a fə bi, furusa b'e ke cogo bəe la, w'a b'e ke don o don.

Jama ka kow segesəgeli cakeda (DNP) ka fə la, Bamakə kənə, furu keme-keme sara la, 24 (24 %) b'e sa kasərə u donni ma sanji 5 dafa. Cakeda kelen in ka fə la, furu kuntaala janyali nafa ye denko ye, kerenkerennenya la, Mali kənə yan, den tigiya b'e sərə furu de fe.

Jateminew y'a jira ko furu kuntaala ka surun duguba kənə ka teme togoda kan. O siratige la, furu keme-teme sara la, 46 (46 %) b'e sa

kasərə u ma sanji 5 sərə.

Furu simabaw, minnu b'e sanji tan (10) sərə, keme sara la, o teme 24 ni murumuru 5 (24,5 %) kan.

Mali kənə yan, furu ko sariyasəbenba nimərə 62-17 AN-RM feburuyekalo tile 3, san 1962, tigeda 2 nan min b'e kuma furusa kan.

A sariyakise 57 nan b'e furusa daga ni furu nəgənma fila də la kelen faatura walima n'a də la kelen

y'a jni sariya kənə.

Ka kejie ni sariya yere taabolo ye, furusa kun ka ca. Mali jateminenaw ka fə la, furu nəgənma fila bəe kelen kelenna b'e se ka furusa lajini ka da nin kunw kan : Də la kelen ka jənəya, damateme walew, nənini jugu fə ka don bagenbagaw gasi la, furu nəgəngənna fila də la kelen ka kasoladon min b'a ni kun təərə, dələmin damatemen, ani dutigi ka jəyərəfa baliya du kənə.

Silamew bolo, silamefurusiri ye furu sinsinnen ye, n ka musow bolo, a ma sinsin k'a sababu ke tubabur-sariya taamali geleyaw ye.

Fələ, silamefurusiri nafa tun ka bon kosebe, n ka bi, a tə dabala maaw bolo. Sabu a kelen i n'a fə o b'e ka furusa juguya bi. Nka halibi, o

A tə b'e ne 10 nan kan

furus a ka juguya bëe, maaw kelen be ka silamefurusiriko in don banbanna ka taa fe. Segesegeliw y'a jira ko furu minnu kera an ka laadalafurusiri ye, kò furu meent ka dögön bi Mali kònë.

Furusa taabolo sëbenba kònë, a sëbennen be ko : ni furunjögönma fila dëla kelen b'a fe ka furusa jini, a yere be furusa lajiniseben ke walima ka taa a kuma fô a da la a ka sigida jemaaaw ye. A lamenen kô a fe, segesegeli be ke k'a dën ni a kuma ka fôlenw ye tijë ye. O kofe, a be sôrø ka ce ni muso wele ka furusa don n'a lere dantigë u ye. A b'u lamen ka u fô kabèn yorë jini. O kofe, sëben be taa di kiiritigeso jemaa ma walima zuzi (kiiritigela).

Kabini kiiritigela ka yamaruya fôlë kònë ani o yamaruya kelen kònë, furunjögönma fila dëla kelen be se ka yéremankarasariya jini walasa ka u bolofenw mankaran. Ka dà kan, kabini bolonë bila waa-ti furu yamaruyasseben na, a jira-

la k'u bolofenw bëe ye kelen. Ni benbaliya donna u ni njögön ce, kii-ritigela min ye furu siri, se be ke o ma. Furu be sa ka bolofenw to maa bolo min kera laadiri ye furunjögönma fila ni njögön ce, fo ni yelema donna kow taabolo la.

Sariyasen 65 nan min jësinnen be furuko ni mara taabolo ma, o ka fô la, kiiritigiyorë walima kiiritigiw ka lajini walima dukonémögëw dëla kelen walima sariyabulonba yere be se ka jinini ke, minnu nafa be se denw ma. Kiiritigela be lajini ke ka jësin kiiritige waati kuntaala baloko ni ko werew ma.

Nka, sariya fôlë minnu tara, olu be se ka yelema walima k'u b'a ma kiiritige kuntaala kònë.

An ye nin kunnafoni bë Bamako don-niduguje kunnafoniseben kònë, a bëko 0035 nan, araba utikalo tile 1, san 2007. Salimata Fofana ka sebenni don.

**A bayelemabaga bamanankan
na : Yusufu F. Fane**

Tenten : temasa

1. Fen dë be yen, a sigilen ka jan n'a jenlen ye.

O jaabi : o ye wulu ye.

2. Yoréjan wulu be kasila, nka nogo t'a kònë.

O jaabi : O ye jenbefokan ye.

3. Fen dë be yen, ale jenema te kuma fo n'a sara waati min na.

O jaabi : o ye furabulu ye.

4. N ye n ka kénémuso ceju-manin dë bila sirada la, nka ni mögë o mögë be teme sirada in na o be kule a la.


O jaabi : O ye siradala banaké-taa ye.

5. N ye n sigilen to ka kénénin kankalamajan kunkolo finman-nin dë ye ba kofe, a be ka taa, n ka ne ma danyëe ye a kunkolo taoyorë la.

O jaabi : O ye sisifin ye.

**Nin tenten jenatémëna aw ye
Amadu Jekite fa.**

Fili e n -jini tulon (fili seegin be njegen fila ninnu ce. U jira)



Seegin : jirijù kuru

Wolonyula : duguma jiribolo numanafe

Wewre : numanafe bin

Duruu : bolokansi

Nanni : tabadaga kàn ci


Sabanan : tabadaga sisí

Filanam : dafuruku - kàn - sumanin

Felj : fugula ntoloman jù

Jaabi


Manden Tariku
(boko temenen ts)



Nsiirin : Filaninw ka maana (fôlô)

Nin kera samogedugu la, n'o ye Paa dugu ye. Paa dugu be horodara mara la. Masake dô tun be Paa, min têgô tun ye ko kanjaba Magasuba. Muso fila tun be masake in kun. Muso fôlô têgô tun ye ko galomusoba ; filanan têgô tun ye ko baramusoba. O baaramusba in tun ma ka di masake n'a ka jama ye kosebe. Wa, a sako tun be masake bolola herew la. Nka, galomusoba, ale tun ma ka go. W'a tun ninyôrô ye a sinamuso Baramuso bololafen tôw ye. Ala y'a to a ka masaya la, galomusoba nana kône ta a ce kanjaba fe.

Don dô la, Galomusoba kônoma wulila ka taa kungo kône, dögôjini na. Kà to dögôjini na, a ka tindimi nana wuli. A y'i sigi. Dô ma bô dimi na. A y'i da duguma o la. Ala nana n'a ka masaya ye, Galomusoba bangera denke fila la, jiritu dô kôrô. Nka, o waati la, galomusoba tun te a yere kalama, sababu ke bange degun ye. Galomusoba jenamini-nen dalon ma, filaninw b'a kerefe k' amuso dô bôra turô, k'a k' kan. Waramuso gerela u k' jësin filaninw ma, k'u sumusumu. Nka, a ma sôn k'u dumu. A y'u ta n'a da ye, ka taa n'u ye a ka wo la. Galomuso wulilen ka bô jenamini na, a ye fan bee laje. A m'a d'enw ye. A ye bintu woloma, a m'u ye. A kasira ; a gigilatigera. A wulila o la, k'a kun da so kan. Galomusoba tora ten Paa dugu kône. Nka dô farala a ka kunnangoya



kan. Hali, ni mögô dôw y'a taatô ye dögôjiniyôrô la kungo kône, olu b'a fo ko : ee ! jama. Aw ma deli ka subaga bilen ye aw ne na wa ? A taatô file nin ye . Galomusoba don jaati ! A y'a kônôaden dun, tile gan fe bee nena !

N'o kera, mögôw be yele gôlomusoba la. Nka, nin bee be fo gôlomusoba ma, a te kuma. N'a tun kôseginna so, a ce masake kanjaba be tege fara a ne kan tuma bee, k'a ka taa ka bô ale ka so, k'ale te subaga mara. Tuma dôw la, a sinamuso Baramusoba be denmisenninw bila olu k'a bon ni kabakuru ye. K'a fo a ma ko : musokôrôba jugu kunnango !...

Nin bee tun be ke galomusoba la, a te mögô jaabi. N'a tun mënena tuma dôw la, a tun be don a ka so

kône, ka taa fo soju la, k'a yere makasi Ala ye, ko : Ala ka tijé deme dère !

Galomusoba ni Paa dugukôñ-omogow tora nin cogo la ten. Ala b'a ka masaya la. Waramuso min ye filaninw ta ka taa n'u y'a ka wola, jaa o ye jinemuso de yelemanen ye ka ke waramuso ye. O jinemuso in ye filaninw ladon a nema. A be a sin di u ma, u k'a min. A be jiriden ji bô, ka d'u ma, u komin. A be fura tobi, k'o ji ke k'u ko, walasa k'u kisi banaw ni subagaw tôrô ma. Kow nana to nin cogo la ten fo filaninw nana kôrôbaga, ka se san mugan ni fila ma.

(A tô be bôko nata kône)

Amadu Jakite
Jlegenkela, jamana
Baarada (Bamako)

**Walasa k'aw ka dönniya labarika an baarakanw la, a ye aw wasa
don jamana gafew la an ka fasokanw la**

